



綴じ部(喉部分)の文字など開きが不鮮明な箇所あり

戒衆

同分



誠初心學人

戒律十戒

夫初心之人須遠離惡友親近賢善受五
 戒十戒等善知持犯開遮但依金口聖言
 莫順庸流妄說既已出家參陪清衆常念
 柔和善順不得我慢貢高大者為兄小者
 為弟儻有諍者兩說和合但以慈心相向
 不得惡語傷人若也欺凌同伴論說是非
 如此出家全無利益財色之禍甚於塵世

省已知非常須遠離無緣事則不得入他
房院當屏處不得強知他事非六日不得
洗浣內衣臨興漱不得高聲涕垂行盥次
不得摑揆越序經行次不得開襟掉臂言
談次不得高聲戲笑非要事不得出於門
外有病入須慈心守護見賓客須欣然迎
接逢尊長須肅恭迴避辦道具須儉約知
足菜食時飲啜不得作聲執放要須安詳

宗九

不得舉顏顧視不得欣狀精寵須默無言
說須防護雜念須知受食但療形枯為成
道業須念般若心經觀三輪清淨不違道
用赴焚修須早暮勤行自噴懺怠知衆行
次不得雜亂讚唄呪願須誦文觀義不得
但隨音聲不得韻曲不調瞻敬尊顏不得
攀緣異境須知自身罪障猶如山海須知
理懺事懺可以消除深觀能礼所礼皆從

成

二

三

真性緣起深信感應不虛影響相從
君衆寮須權讓不諍須互相扶護慎諍論
勝負慎聚頭閑話慎誤著他鞋慎坐卧越
次對客言談不得揚於家醜但譴院門佛
事不得詰庫房見聞雜事自生疑惑非要
事不得遊州獵縣與俗交通令他憎嫉失
自道情儻有要事出行告住持人及管衆
者令知去處若入俗家切須堅持正念慎

宗九

不得舉顏顧視不得欣厭精寵須默無言
說須防護雜念須知受食但療形枯為成
道業須念般若心經觀三輪清淨不違道
用赴焚修須早暮勤行自噴懈怠知衆行
次不得雜亂讚頌呪願須誦文觀義不得
但隨音聲不得韻曲不調瞻敬專顏不得
攀緣異境須知自身罪障猶如山海須知
理懺事懺可以消除深觀能礼所礼皆從

戒

二

宗

真性緣起深信感應不虛影響相從
名衆察須相讓不諍須互相扶護慎諍論
勝負慎聚頭閑話慎誤著他鞋慎坐卧越
次對客言談不得揚於家醜但讚院門佛
事不得詰庫房見聞雜事自生疑惑非要
事不得遊州獵縣與俗交通令他憎嫉失
自道情儻有要事出行告住持人及管衆
者令知去處若入俗家切須堅持正念慎

信字

勿見色聞聲流蕩邪心又况披襟戲笑亂
說雜事非時酒食妄作無尋之行深乖佛
戒又處賢善人嫌疑之間豈為有智慧人
也住社堂慎沙弥同行●慎人事往還慎
見他好惡慎貪求文字慎睡眠過度慎散
乱攀緣若遇宗師陞座說法切不得於法
作懸崖想生退屈心或作慣聞想生容易
心當須虛懷聞之必有機發之時不得隨

學語者但取口辨所謂蛇飲水成毒牛飲
水成乳智學成菩提愚學成生死是也又
不得於主法人生輕薄想因之於道有障
不能進修切須慎之論云如入夜行罪人
執炬當路若以入惡故不受光明墮坑落
壑去矣聞法之次如履薄冰必須側耳目
而聽玄音肅情塵而賞幽致下堂後默坐
觀之如有所疑情問先覺夕惕朝詢不濫

信可

絲髮如是乃可能生正信以道為懷者歟
元始習熟愛欲患癡纏綿意地暫伏還起
如隔日庵一切時中直復用加行方便智
慧之力痛自遮護豈可閑漫游談無根虛
喪天日欲真心宗而求出路哉但堅志節
責躬匪懈知非遷善改悔調柔勤修而觀
力轉深鍊磨而行門益淨長起難遭之想
道業恒新常懷慶幸之心終不退轉如是

久久自然定慧圓明見自心性用如幻悲
智還度衆生作人天大福田切須勉之

發心修行章

芬皇寺沙門

元曉述

夫諸佛諸佛莊嚴寂滅宮於多劫海捨欲
苦行衆生衆生輪迴火宅門於無量世貪
欲不捨無防天堂少往至者三毒煩惱為
自家財無誘惡道多往入者四蛇五欲為
妄心寶人誰不欲歸山修道而為不進愛
欲所纏然而不歸山發修心隨自身力不
捨善行自樂能捨信敬如聖難行能行尊

重如佛慳貪於物是魔眷屬慈悲布施是
法王子高岳峩岩智人所居碧松深谷行
者所棲飢殮木果慰其飢腸渴飲流水息
其渴情喫甘愛養此身之壞著梁守護命
必有終助嚮岩穴為念佛堂哀鳴鴨鳥為
歡心友拜膝如冰無戀火心餓腸如切無
求食念忽至百年云何不學一生幾何不
修放逸難心中愛是名沙門不戀世俗

是名出家行者羅網狗被象皮道人慳慳
蝟入鼠宮雖有才智居邑家者諸佛是人
生悲憂心欲無道行住山室者衆聖是人
生歡喜心雖有才學無戒行者如寶所道
而不起行雖有勤行無智慧者欲往東方
而向西行有智人所行蒸米作飯無智人
所行蒸沙作飯共知喫食而慰飢腸不知
學法而改痴心行智具備如車二輪自利

利他如鳥兩翼得粥祝願不辭其意亦不
檀越應羞耻乎得食唱喙不達其趣亦不
賢聖應慚愧乎人惡尾虫不辨淨穢聖僧
沙門不辨淨穢弄世間喧乘空天上戒為
善梯是故破戒為他福田如折翼鳥負龜
翔空自罪未脫他罪不贖然豈無戒行受
他供給無行空身養無利益無常浮命愛
惜不保望龍象德能忍長苦期獅子座永

背欲樂行者心淨諸天共讚道人戀色善
神捨難四大忽散不保久住今日夕矣頗
行朝哉世樂後苦何貪著哉一忍長樂何
不修哉道人貪是行者羞耻出家富是君
子爾笑遮言不盡貪者不已第二無盡不
斷愛著此事無限世事不捨彼謀無際絕
心不起今日不盡造惡日多明日無盡作
善日少今年不盡無限煩惱來年無盡不

進菩提時時移移速終日夜日日移移速
經月晦月月移移忽來年至年年移移暫
到死門破車不行老人不修卧生懈怠坐
起亂識樂生不修唐過日夜樂活空身一
生不修身必有終後身何乎莫速急乎莫
速急乎
發心章終

法云

野雲自警序

主人公聽我言幾人得道空門裡汝何長
輪苦趣中汝自無始已來至于今生背覺
合塵墮落愚痴亘造眾惡而入三途之苦
輪不修諸善而沉四生之業海身隨六賊
故或墮惡趣則極辛極苦心背一乘故或
生人道則佛前佛後今亦幸得人身正是
佛後末世嗚呼痛哉是誰過歟雖然汝能

及省割愛出家受持應置著大法服履出
塵之徑路學無漏之妙法如龍得水似虎
靠山其殊妙之理不可勝言人有古今法
無遐邇人有愚智道無盛衰雖在佛時不
順佛教則何益縱值末世奉行佛教則何
傷故世尊云我如良醫知病設藥服與不
服非醫咎也又如善道道人善道聞而不
行非道過也自利利人法皆具足若我久

住更無所益自今而後我諸弟子展轉行
之則如來法身常住而不滅也若知如是
理則但恨有不修道何患乎末世也伏望
汝復興決烈之志開特達之懷盡捨諸緣
除去顛倒真實為生死大事於祖師公案
上直善參究以大悟為則切莫自輕而退
屈惟斯未運去聖時遙魔強法弱人多邪
修成人者少敗人者多智慧者寡愚痴者

衆自不修道亦惱他人凡有障道之緣言
之不盡恐汝錯路故我以管見撰成十門
令汝警策汝須信持無一可違至禱至禱

頌曰

愚心不學增惰慢 空腹高心如餓席
痴意無修長我人 無知放逸似顛獐
邪言魔語肯受聽 善道無回誰汝度
聖教賢童故不聞 長淪惡趣苦纏身

其一 軟衣美食切莫受用

自從耕種至于口身非徒人牛功力多重
亦乃傍生損害無窮勞彼功而利我尚不
然也况殺他命而活己奚可忍乎農夫每
有飢寒之苦織女連無遮身之衣况我長
游手飢寒何厭心軟衣美食當因重而損
道破衲蔬食必施輕而積陰今生未明心
滴水也難消

頌曰

自

十四

菜根木葉慰飢腸 野鶴青雲為伴侶
於落草衣遮色身 高峯幽谷度殘年
其二自財不容他物莫求
三途苦上貪業在初六度門中行檀居首
慳貪能防善道慈施必禦惡徑如有貪人
來求乞雖在窮乏無吝惜來無一物來去
亦空手去自財無恋志他物有何心萬般
將不去唯有業隨身三日修心千載寶百

年貪物一朝塵

頌曰

三途苦本因何起 我佛衣盂生理足
只是多生貪愛情 如何畜積長無明
其三口無多言身不輕動

身不輕動則息亂成定口無多言則轉愚
成慧實相推言真理非動口是禍門必加
嚴守身乃災本不應輕動數飛之鳥忽有
羅網之殃輕步之獸非無傷箭之禍故世

尊住雪山六年坐不動達摩居少林九歲
默無言後來參禪者何不依古蹤 頌曰
身心把定元無動 寂寂寥寥無一事
默坐茅庵絕往來 但看心佛自依

其四但親善友莫結邪朋

鳥之將息必擇其林人之求學乃選師友
擇林木則其止也安選師友則其學也高
故承事善友如父母遠難惡友似冤家鶴

無鳥朋之計鵬豈鷓友之謀松裡之葛首貞
聳千尋茅中之木未免三尺無良小輩類

類脫得意高流數之親 頌曰

住止經行須善友 荆塵掃盡通前路
身心決擇去荆塵 寸步不移透祖關

其五除三更外不許睡眠

曠劫障道睡魔莫大二六時中惺惺起疑
而不昧四威儀內密之迴光而自看一生

空過萬劫追恨無常刹那日日而驚怖
人命須臾實時時而不保若未透祖關如
何安睡眠 頌曰

睡地雲籠心月暗 箇中拈起吹毛利
行人到此盡迷程 雲自無形月自明

其六切莫妄自尊大輕慢他人
修得仁謙讓為本親友和友敬信為宗
四相山漸高三途海益深外現威儀如尊

貴內無所得似朽舟官益大者心益小道
益高者意益卑人我山崩處無為道自成
允有下心者萬福自皈依 頌曰

憍慢塵中藏般若 輕他不學躑躅老
我人山上長無明 病卧辛吟恨不窮
其七見財色必須正念對之

害身之機無過女色喪道之本莫及貨財
是故佛垂戒律嚴禁財色眼觀女色如見

帚地身臨金玉等視木石雖居暗室如對
大賓隱現同時內外莫異心淨則善神必
護惡色則諸天不容神必護則雖難處而
無難天不容則乃安方而不安 頌曰
利慾閻王引獄鎖 鎖拘入獄苦千種
淨行施佛接蓮臺 艇上生蓮樂萬般
其八莫交世俗令他憎嫉
離心中愛曰沙門不慮世俗曰出家既能

割愛揮人世復何白衣結黨游愛戀世俗
為饕餮養饕餮由來非道心人情濃厚道心
踈若欲不負出家志須向名山窮妙自一
衣一鉢絕人情飢飽無心道自高 頌曰
為他為己雖微善 願入松風蘿月下
皆是輪迴生死目 長觀無漏祖師禪
其九勿說他人過失
雖聞善惡心無動念無德而被讚實吾慚

愧有咎而蒙毀誠我於然之則知過必改慚
愧則進道無念勿說他人過終歸必損身
若聞害人言如毀父母聲今朝雖說他人
過異日迴頭論我咎雖然九所有相皆是
虛妄譏毀讚譽何憂何喜 頌曰

終朝亂說人長短 如此出家徒受施
竟夜昏沉樂睡眠 必於三學出頭難
其十居眾中心常平等

害愛辭親法界平等若有親疎心不平等
雖復出家何德之有心中若無憎愛之取
捨身上那有苦樂之盛衰平等性中無彼
此大圓鏡上絕親疎三途出沒憎愛所纏
六道昇降親疎業縛契心平等本無取捨
若無取捨生死何有 頌曰
欲成無上菩提道 若有親疎憎愛計
也要常懷平等心 道加遠兮業加深

主人公汝值入道當如盲龜遇木一生樂
何不修懈怠人生難得佛法難逢此生失
却萬劫難遇須持十門之戒法日新勤修
而不退速成正覺深度衆生我之本願非
為汝獨出生死大海亦乃普為衆生也何
以故汝自無始以來至于今生恒值四生
數數往還皆依父母而出沒也故曠劫父
母無量無邊由是觀之六道衆生無非是

汝多生父母如是等類咸沒惡趣日夜受
大苦惱若不拯濟何時出離嗚呼哀哉痛
纏心腑千萬望汝早早發明大智具足神
通之力自在方便之權速為洪濤之智揖
廣度欲岸之迷輪君不見從上諸佛諸祖
盡是昔日同我凡夫彼既文夫汝亦爾但
不為也非不能也古曰道不遠人人自遠
矣又云我欲仁斯仁至矣誠哉是言也若

能信心不退則誰不見性成佛我今證明
三寶一一戒汝知非故犯則生陷地獄可
不慎歟可不慎歟 頌曰

玉兔昇沉催老像 求名求利如朝露
金烏出沒促年光 或苦或榮似夕烟
勸汝慙勤修善道 今生若不從斯語
速成佛果濟迷倫 後世當然恨萬端
自警終

皖山正凝禪師示蒙山法語

師見蒙山來禮先自問云你還信得及麼山
云若信不及不到這裏師云十分信得更要
持戒持戒易得靈驗若無戒行如空中架樓
閣還持戒麼山云見持五戒師云此後只看
箇無字不要思量下度不得作者無解會且
莫看經教語錄之類只單提箇無字於十
二時中四威儀內須是惺惺如狗捕鼠如雞
抱卵無令斷續未得透徹時當如老鼠交梓

於相似不可改移時復鞭起疑云一切含靈
皆有佛性趙州因具道無心作麼生既有疑
時默之提箇無字迴光自看只這箇無字要
識得自己要識得趙州要捉敗佛祖得人憎
處但信我如此說話莫直做將去決定有發
明時箇斷不誤你云云

東山崇藏主送子行腳法語

大允行脚須以此道為懷不可受現成供養
了等閑過日須是將生死二字釘在額上十

二時中裂轉面皮討箇分曉始得若祇隨群
逐隊打空過時他時闍羅老子打筭飯錢莫
道我與你不說若做工夫須要日日打筭時
時點檢自轉鼓起來至二更看那裏是不得
力處那裏是打失處那裏是不打失處若如
此做將去定有到家時節有一般辦道之人
經不看佛不禮不上蒲團便打瞌睡及三怪
來又且胡思亂想方下禪床便與人打雜交
若如此辦道至彌勒下生也未有人手底時

節須是猛著精彩提起一箇無字書三交三
與他斷崖不可坐在無事匣裏又不可執在
蒲團上死坐須要活弄恐雜念紛飛起時千
萬不可與他斷斷轉關轉急多有人在這裏
不識進退無免不成風成顛壞了一生須
向紛飛起處輕輕放下打一箇轉身下地行
一遭又二床開兩眼捏雙拳豎起脊梁依前
提起便覺清涼如一鍋湯才下一杓冷水相
似但如此做工夫日久月深自有到家時節

工夫未得入手莫生煩惱恐煩惱魔入心若
覺省力不可生歡喜恐歡喜魔入心種種病
痛言之不盡恐衆中有老成兄弟辦道者千
萬時時請益若無將祖師做工夫底言語看
一遍如親見相似而今此道難得其人千萬
向前望汝早早打破漆桶歸來爲我措背三
喝三喝

蒙山和尚示衆

若有來此同甘寂寞者捨此世緣除去執著

顛倒真實為生死大事肯順庵中規矩截斷
人事隨緣受用除三更外不許睡眠不許出
街不許起請未有發明不許看讀非公眾請
不許閱經如法下三年工夫若不見性通宗
山僧替你入地獄

古潭和尚法語

若欲參禪不用多言趙州無字念念相連行
住坐臥相對目前奮金剛志一念萬年迴光
返照察而復觀昏沉散亂盡力加鞭千磨萬

鍊轉々新鮮日久月深密々懸絲不舉自舉
亦如流泉心空境寂快樂安然善惡魔來莫
懼莫歡心生憎愛失正成顛立志如山安心
似海大智如日普照三千迷雲散盡萬里青
天中秋寶月湛徹澄源虛空發焰海底生煙
轟然盪著打破重玄祖師公案一串都穿諸
佛妙理無示周圍到伊麼時早訪高玄機味
完轉無正無偏明師許尔再入林巒若菴土
洞苦樂隨緣無為蕩々性若白蓮時三出山

駕無底船隨流得妙廣度人天俱登覺岸同證金仙

示覺悟禪人法語普濟

念起念滅謂之生死當生一死之際須盡力提起話頭話頭純一起滅即盡起滅即盡處謂之寂寂中無話頭謂之無記寂中不昧話頭謂之靈即此空寂靈知無壞無雜如是用功不日成之

嘉靖四十二年癸亥夏五月日全羅羅道

溪城地雅文峯寺開刊

大施主山納宗允比丘 刻于玄敏

信修

法雲

禪祖

供奉主信修

法雲

天宮

校本寺住持禪宗大禪師修安化主性宗

蒙山和尚法語略錄

示古原上人

話頭上有疑不斷是各真疑若疑一上少時
又無疑者非真心發疑屬做作是故昏沉掉
舉皆入作得更要坐得端正一者睡魔來當
知是何境界纔覺眼皮重便著精彩提話頭
一二聲睡魔退可如常坐若不退便下地行
數十步眼頭清明又去坐千萬照顧話頭及
常常鞭起疑久久工夫純熟方能省力做到

不用心提話頭自然現前時境界及身心皆
不同先已憂中亦記得話頭如是時大悟近
矣却不得將心待悟但動中靜中要工夫無
閒斷自然塵境不入真境日增漸漸有破無
明力量力量充廣疑團破無明破無明破則
見妙道夫參禪妙在惺々靈利者先於公案
檢點有正疑却不急不緩提話頭密密回光
自省則易得大悟身心安樂若用心急則動
肉團心血氣不調等病生非是正路但發盡

正信心真心中有疑則自然話頭現前若涉
用力舉話時工夫不得力在若動中靜中所
疑公案不散不衝話頭不急不緩自然現前
如是之時工夫得力却要護持此箇念頭常
常相續於坐中更加定力相資為妙忽然築
著盤著心路一斷便有六悟悟了更問悟後
事件

示覺圓上人

參禪須透祖師關妙悟要窮心路絕祖關不

透心路不絕盡是依草附木精靈僧問趙州
狗子還有佛性也無州云無只者箇無字是
宗門一關有心透不得無心透不得惺惺靈
利直下掀翻捉敗趙州還我話頭來若有一
毫未且居門外覺圓上座覺也未妙覺圓明
當識趙州是何面目道箇無字意作麼生蠢
動含靈皆有佛性趙州因甚道無必竟者箇
無字落在甚處本覺未明一一有疑大疑則
有大悟却不得將心待悟又不得以意求悟

不得作有無會不得作虛無會不得作鐵掃
帚用不得作繫驢橛用從教疑團日盛於二
六時中四威儀內單單提箇無字密迴光自
看看來者去疑來疑去百無滋味時有些滋
味却不可生煩惱疑得重話頭不提自然現
前却不得歡喜濃淡任他直如老鼠咬棺材
只管提箇無字者若於坐中得妙定力資正
好提撕但不用著力為妙若著力提撕則解
散定境能善用心忽然入得定時却不可貪

定而忘話頭若忘却話頭則落空去無有妙
悟起定時亦要保護定力於動靜中一如昏
沉掉舉悉絕亦莫生喜心忽然因地一聲透
過趙州關已一一語諦當箭箭柱鋒勘破
趙州得人憎處法法圓通差別機緣一一明
了正要求悟後生涯若不然如何得成法器
宜觀先聖標格切忌杜撰會麼

示惟正上人

五祖演和尚示眾云釋迦彌勒猶是他奴他

是阿誰直下悟徹道得諦當可以超脫分段
生死更進竿頭闊步了大丈夫事業惟正上
座能悟徹也未否則急宜惺惺下真實工夫
如法參究以大悟為入門所謂參究者當疑
釋迦彌勒是佛因甚猶是他奴必竟他是阿
誰疑得盛却提撕他是阿誰迴光自看不要
用心大緊緊則動色心生病不可大緩緩則
忘却話頭入昏沈掉舉去也妙在善用其心
發盡正信心捨盡一切世間心惺惺密密提

撕於坐中最易得力初坐時抖擻精神放教
身體端正不可背曲頭腦卓豎眼皮不動平
常開眼眼睛不動則身心俱靜々而然後定
定中却要話頭現前不可貪定而忘話頭忘
則落空反被定迷無有是處定中得力易却
要惺々不昧忽有一切好惡境界現時都不
要管他話頭分曉倏忽境界自清起定之時
緩々動身護持定力於動用中保持得話頭
着疑提撕不用力懸々密密無有間斷時二

夫漸之成片得如澄秋野水湛之清清縱有
風動亦是清波到如是時大悟近矣却不得
將心待悟不要求人穿鑿不要思量卜度不
要求解會但提話頭看若其他公案有疑及
經典上有疑盡攝歸來他是阿誰上看衆疑
通發策著盤著因地一聲正眼開明便能下
得到家語投機語箭鋒相柱語識得差別機
緣前來所有一切疑碍冰消無餘法法圓通
得升堂已切忌小了更來指汝進步入室了

徹大事

示聰上人

黃蘗見百丈舉再參機緣便吐舌是得百丈
力耶得馬祖力耶巖頭見德山一唱便禮拜
是知息耶報息耶又答洞山語云我當時一
手擡一手搦那裏是他擡搦處見徹二老骨
髓者便好著一轉語截斷諸方舌頭許汝得
八門已其或未然急宜參究若涉參究便論
工夫直須依本分如法始得當於本參公案

上有疑六疑之下必有六悟千疑萬疑併作
一疑於本參上取辦若不疑言句是為大病
仍要盡捨諸緣於四威儀內二六時中單々
提箇話頭迴光自看若於坐中得力最多坐
宜得法不要瞠眉努目過擦身心若用氣力
則招病苦但端身正坐平常開眼身心境界
不必顧著或有昏沈掉舉著些精彩提舉一
二聲話頭自然諸魔消滅眼定而心定心定
而身定若得定時不可以為能事或忘話頭

沉空滯寂不得大悟反為大病吾祖西來單
提直指以大悟為入門不論禪定神通此是
未邊事若於定中得悟明者智慧却能廣大
水陸並進也工夫若到濃一上淡一上無滋
味時正好進步漸入程節切不可放捨惺々
便入靜々而後定定各有名有邪有正宜知
之起定後身心輕清一切處省力於動中打
成一片却當字細用心趁逐工夫始終不離
靜淨二字靜極便覺淨極光通達氣肅風清

動靜境界如秋天相似時是第一箇程節便
宜乘時進步如澄秋野水如古廟裏香爐相
似寂寂惺惺心路不行時亦不知有幻身在
人間但見箇話頭絲絲不絕到者裏塵將息
而光將發是第二箇程節於斯若生知覺心則
斷純一之妙大害也無此過者動靜一如寤
寐惺惺話頭現前如透水月華在灘浪中活
潑觸不散蕩不失時中寂不搖外撼不動
矣是第三箇程節疑團破正眼開近矣忽然

築著藍著碎地折爆地斷洞明自己捉敗佛
祖得人憎處又宜見大宗正求煅煉成大法
器不可得少為足悟後若不見人未免不了
後事其害非一或於佛祖機緣上有碍處是
悟淺未盡玄妙既盡玄妙又要退步韜晦保
養力量全備看過藏教儒道諸書消磨多生
習氣清淨無際圓明無碍始可高飛遠舉庶
得光明盛大不辱先宗其或換舊時行履處
未盡便隨常流更若說時似悟對境還迷出

語如醉人作爲似俗子機不識隱顯語不知
正邪撥無因果極爲大害先輩正之與邪大
有樣子了事者生死岸頭能易羸爲細能易
短爲長以智光明解脫得出生一切法三昧
正以此三昧故得意生身向後能得妙應身
信身道如大海轉入轉深達磨有頌云悟佛
心宗等無差互行解相應客之曰祖更莫說
宗門中有超佛越祖底作略聽上人信麼信
與不信向後自知

無字十節目

僧問趙州狗子還有佛性也無州云無蠢動
含靈皆有佛性趙州因甚道無若言趙州禪
口皮邊照顧他日契鐵棒殊不知三世諸佛
骨髓歷代祖師眼目一期掀出在你面前性
燥漢一肩擔荷得去山僧拄杖子亦未肯打
你在且道畢竟如何只者箇無字全無巴鼻
有些巴鼻或者謂是斷命刀子開差別智底
鑰匙好與三十棒是賞耶罰耶直饒道得諦

當你在甚處見趙州盡道趙州古佛眼光爍
破四天下觀其道箇無字性命落在本色衲
子手裏有一等人更向他無字上討滋味豈
不鈍置平生雖然趙州道無你作麼生會趙
州露刃劍寒霜光焰擬議問如何分身作
兩段喝癡人面前不得說夢要且我玉庫內
無如是刁必竟趙州是何面目妙喜道不是
有無之無不是真無之無還識妙喜麼若不
具眼又去東卜西度轉添意識切忌切忌靈

利漢且道趙州意作麼生近來多道無字是
鐵掃帚趙州意果如是不有引他後語為證
者錯了也瞎漢莫將閑學解埋沒祖師心喝
有云無字是繫驢橛你在何處夢見趙州欲
得不招無問業莫謗如來正法輪許多弊病
都拈去也必竟者箇無字落在甚處者箇無
字有心無心俱透不得棄命向未舉已前著
眼忽然再甦了徹無餘一千七百則公案誰
敢向你面前拈出諸佛祖大機用神通三昧

三玄三要種種差別者一切無碍慧靈從此
出雖然那箇是你自己一大藏教是箇切脚
曾切著者箇無字否靈利漢直下掀翻洞明
自己捉破趙州勘破佛祖得人憎處許你道
大藏教是拭瘡疣紙雖然如是者箇無字從
何處出如是主張箇無字有甚奇特宗門中
許多公案還有要妙過此無者否若有何得
如是品題他若無未有趙州時豈無佛祖具
眼衲僧一點難護速道

休休庵主坐禪文

夫坐禪者須達乎至善當自惺惺截斷思想
不落昏沉謂之坐在欲無欲居塵離塵謂之
禪外不放入內不放出謂之坐無著無依常
光現前謂之禪外撼不動中寂不搖謂之坐
迴光返照徹法根源謂之禪不為逆順惱不
為聲色轉謂之坐燭幽則明愈日月化物則
力勝乾坤謂之禪於有差別境入無差別定
謂之坐於無差別法示有差別智謂之禪合

而言之熾然作用正體如如縱橫得妙事事
無碍謂之坐禪略言如是詳舉非此墨能窮
那伽大定無靜無動真如妙體不滅不生現
之不見聽之不聞空而不空有而非有大包
無外細入無內神通智慧光明壽量六機大
用無盡無窮有志之士宜善參究急著精彩
以大悟為入門因地一聲後許多靈妙皆自
具足豈同邪魔外道以傳受為師資以有所
得為究竟者哉



